



PRODROMUS
LIBRI SEXTI
CULTURA FLORUM.



*M*oenia si hostilis circumvallata Phalanges
Fortè tenent, miseramq; diu quatientibus Armis
Obsidione premunt Urbem; Subitoq; Levamen
Insperatum aliunde venit, quot gaudia Cives
Sollicitant? libertatis quot Signa redemptæ?
Fubila, Latitia, Lusus, Convivia, Plausus?
Sic etiam impulsu concussa & percita Tellus
Frigoris & Nivium, cum jam gemmantibus Alis
Ver redit, & Cauros lenit, Solesque reducit;
Ecce Creatori, Formidine Libera, multas
Jam grates agit, en viridi vestitur Amictu,
Festaquè per totum celebrat Floralia Mundum.
Quæque sepulta sinu tenuit, quæ seva pruinis
Examinauit Hyems radices, germina, bulbos
Explicat in flores, tantisque coloribus ornat
Quot vel pulchricomis radius vehit Iridis arcus,
Quot Vesperrugo, aut quot picto Sydera Cælo,
Quot vel Apellæ produnt Tabularia dextra.
Instruit hinc Homines, animos expromere gratos
Numini, & alterius certò spem credere vite.
Nunc Flores mihi Musa refer, quis iis locus aptus?
Quæ statio? Si Fontis habent & Syderis usum
Solaris; si defendat custodia septum.
Buxus ad extremam Areolæ circumdatur oram,
Ingeniosâ erecta manu, quam Circinus Arte
Digerit, & miras dat per loca subdida formas.